

Vegkop Grasren 2020 om die draai

• Louis Kleynhans

Op Saterdag 8 Februarie 2020 word die 19de Vegkop Grasren en Rally aangebied.

Daar is die nuwe verlengde motorfietsroete wat meer as een keer gery kan word.

Dan die tradisionele grasrenroete waar jy jou kennis kan toets. Ook die uitdagende 4x4 roete wat vanjaar nie 'n grap gaan wees nie maar 'n geharde "challenge" sal wees.

Steeds die grootste byeenkoms sedert die slag van Vegkop ... maak gereed en maak seker jy mis dit nie, of jy saamry of self ry, bring al julle vriende saam.

Kom druk jou voete weer in die modder ... dit gaan 'n nat Rally wees. Daar sal genoeg te ete en te drink wees. As jou geld opraak het ons 'n ATM met genoeg om alles te geniet.

Volg ons op Facebook: Vegkopally.



Hoërskool Heilbron spog vanjaar met 'n totaal van 44 Graad 1's opgedeel in 'n A en B klas vir 2020. Die onderwysers, Christel Schoeman en Saret Viljoen is baie opgewonde om elke kind te help leer en groei. Die kinders was vroegoggend elkeen al bederf met 'n sjokolade vanaf mnr. Peter Smith tydens die skool se opening in die saal. Later die dag het die MK-lede hulle in die klasse gaan besoek en aan elkeen ook 'n geskenkpakkie gegee en hulle voorspoed toegewens vir die Grootkool en harde werk. Die kinders is almal baie opgewonde om saam met die groot kinders skool te gaan.

100 Jaar van Genade



Tannie Kitty Naudè is 'n inwoner van Huis Bron-van-Heil sedert 2004 en het op 14 Januarie 2020 haar 100ste verjaarsdag gevier. Sy dank die Here vir al die jare se seëninge en dat hy haar tot so vër kon spaar sodat sy 'n vol lewe kon leef. Sy het 'n besonderse goeie verhouding met die Here en sê dat dit te danke aan hom is dat sy 'n gesonde lewe het. Tannie Kitty is in 1946 getroud met Basie Naudè en hulle het ses kinders van hulle eie wat daarvoor gesorg het dat sy vandag kan spog met 17 kleinkinders en 22 agterkleinkinders. Die vieringe sorg dat sy nie uitgepraat kan raak oor al die Vader se Genade wat sy ontvang nie.

**'N VOORSPOEDIGE 2020!
SKAKEL GERUS U
DA-RAADSLID VIR HULP,
OF MET U WENKE**

ANDRIES VREY
Wyk 12
andries.vrey@gmail.com
082 565 9855

CARINA SERFONTEIN
Koppies
carserf@compuking.co.za
083 635 2851

POLOKO MOLAPHENE
Kwakwatsi
pmolaphene@gmail.com
073 505 5295

ARNOLD SCHOONWINKEL
Munisipale Finansies
arnoldfin@telkomsa.net
084 549 3384
056 817 6762

SMALL SEHUME
Tumahole/Schonkenville
alfredsehume@gmail.com
074 751 2692

ROBERT FERENDALE
Heilbron/Edenville
Ferendale880215@gmail.com
082 721 2098

JACO LA COCK
Vredefort
jacolacock@icloud.com
071 559 3368

SHIRLEY VERMAAK
Parys
shirleyv@tiscalia.co.za
082 461 3680
056 817 7211

Waterkaskenades

Heilbron Voortrekker Kommando

Die Heilbron Voortrekker Kommando gaan groot waterkaskenades hou om die nuwe jaar mee af te skop. Hierdie verrigtinge sal plaasvind op 20 Januarie 2020 by die Voortrekkerterrein en alle bestaande lede of belangstellendes is welkom om deel te wees van die dag. Alle Graad R tot 12 leerders kan die groot fees en sports kom meemaak en almal is welkom om maats saam te bring. Onthou om ou klere of 'n swembroek aan te trek en 'n handdoek saam te bring. Dit skop af Maandag 14:00 en sal teen 16:00 klaar wees. Indien jy meer wil weet oor die Voortrekkers of die kommando



se verrigtinge, skakel Dawid Rossouw (Heilbron Kommando-leier) by 082 977 9661.

Heilbron Huis- & Tuinbouklub

nooi almal uit na hul vergadering op

22 Januarie 2020
10:00
Fraaihuis Kweekery

"Hande vol Hoop"
Adeline de Jongh

Ledegeld Betaalbaar
R300 * R50 besoekers

Bevestig teenwoordigheid
voor/op 20 Januarie 2020
Georgina - 082 735 3752

**Bring 'n vriendin saam
en kom geniet 'n heerlike oggend!**

